

ՆՈՐ ԳՐՔԵՐ

(ԳԱ ՀՐԱՏԱՐԱԿԶՈՒԹՅՈՒՆ)

Բ. Ն. ԱՌԱՔԵԼՅԱՆ, Գ. Ա. ՏԻՐԱՅՅԱՆ,
Ժ. Դ. ԽԱՉԱՏՐՅԱՆ — «Հին Հայաստանի
ապակին» (I—IV դդ.), պրակ I.
1989 թ., տպաքանակը՝ 2000:

Հնագիտության և ազգագրության ինս-
տիտուտի հրատարակած «Հայաստանի
հնագիտական հուշարձանները» մատե-
նաշարի այս պրակում նկարագրված են
շուրջ 150 իր, որոնց գերակշռող մասը
ապակյա անոթներ են:

Գիրքը կազմված է կատալոգի սկզբ-
քունքով. տրված է յուրաքանչյուր իրի
կամ առարկայի նկարագիրը, հիշատակ-
ված է հայտնաբերման վայրը, ըստ հնա-
րավորին որոշված են պատրաստման
տեղը և ժամանակը, նշված են դամբա-
րանների հերթական համարները և թան-
գարաններում պահվող իրերի գույքա-
համարները:

Պրակի առաջաբանում համառոտակի
տրվում է ապակու հայտնագործման և
ապակեգործության զարգացման պատմու-
թյունը մինչև մ. թ. IV դարը: Քննության
է առնվում Հայաստանում հայտնաբերված
անտիկ ապակին, նրա առանձնահատ-
կությունները, պատրաստման ու մշակ-
ման եղանակները: Պարզվում է, որ իր
արտադրության տեխնիկայով, մշակման
ձևերով, զարդերի և գույների բազմազա-
նությամբ Հայաստանում հայտնաբերված
ապակեղենը կազմում է անտիկ դարա-
շրջանի ապակեղենի անբաժան մասը և
մեծ կարևորություն է ներկայացնում այդ
դարաշրջանի ապակեղենի ուսումնասի-
րության համար:

Տեքստը շարադրված է հայերեն, ռու-

սերեն և անգլերեն լեզուներով: Պրակն ու-
ղեկցվում է հայտնաբերված իրերի 162
նկարագրողումներով: Խմբագիրն է
ՀՍՍՀ ԳԱ թղթակից-անդամ Բ. Ն. Առա-
քելյանը:

Հ. Ա. ՄԱՐՏԻՈՍՅԱՆ — «Ուշ բրոնզե-
դարյան բնակավայրեր և դամբարա-
նադաշտեր», պրակ II, 1989 թ.,
տպաքանակը՝ 1500:

Վերջին հարյուրամյակի ընթացքում
Հայկական լեռնաշխարհում կատարված
պեղումներից հայտնաբերվել են նախնա-
դարյան համայնական հասարակության
ժամանակաշրջանի հազարավոր հնագի-
տական հուշարձաններ, որոնք մեր երկրի
հնագույն մշակույթի, պատմության, կեն-
ցաղի ու սոցիալ-տնտեսական հարաբե-
րությունների ուսումնասիրման եզակի
սկզբնաղբյուրներ են:

Այդ հուշարձանների մեջ իրենց բազ-
մազանությամբ ու հարստությամբ յուրա-
հատուկ տեղ են գրավում ուշ բրոնզի ժա-
մանակաշրջանի (մ.թ.ա. XIII—X դդ.)
հնավայրերը, որոնց ուսումնասիրությանն
է նվիրված «Հայաստանի հնագիտական
հուշարձանները» մատենաշարի II պրա-
կը: Այն ընդգրկում է մ. թ. ա. X դարի ուշ
բրոնզեդարյան բնակատեղիների, դամ-
բարանադաշտերի նյութական մշակույթի
ընդհանուր նկարագրությունը, թվագրումը
և բնութագրությունը: Հայտնաբերված
նյութերի հիման վրա բացահայտվում է
բրոնզեդարյան մշակույթի հասարակու-
թյան սոցիալ-տնտեսական ընթացքի
պատմության զարգացման ընդհանուր
պատկերը:

Պրակն ունի ռուսերեն, անգլերեն ամփոփումներ ու հարուստ նկարազարդում: Գիրքը խմբագրել է ՀՍՍՀ ԳԱ թղթակից-անդամ Բ. Ն. Առաքելյանը:

ԿՈՄՍՏԱՆՆՈՒՆ, ԴԻՄԻՍՆԱԴԻՆ, — «Բյուզանդական աղբյուրներ», Բ., 1970 թ., տպաքանակը՝ 3100, 36% էջ:

Ներկա աշխատությունը ԳԱ պատմության ինստիտուտի հրատարակած «Օտար աղբյուրները Հայաստանի և հայերի մասին» մատենաշարի 9-րդ գիրքն է: Այն բնագրից թարգմանել, առաջարկներ գրել ու ծանոթագրել է պատմական գիտությունների թեկնածու, բյուզանդագետ Հրաչ Բարսեղյանը:

Իրրոմ տրվում են բյուզանդական հայագի իոստանդին Դիրանածինի աշխատություններից՝ Հայաստանին և հայերին վերաբերող հատվածները, նույն հեղինակի գրչին պատկանող Լակեդոնական հարստության հիմնադիր՝ հայազգի

Վասիլ / կայսեր ընդարձակ կենսագրության, ինչպես և Քրիստոսի «Անձեռագործ պատկերի» մասին երկի ամբողջական թարգմանությունները:

Հատորին կցված է հավելված՝ Կոստանդին Դիրանածինի ապրած ժամանակաշրջանին վերաբերող ծավալով փոքր գործեր, բյուզանդական օրենսգրքերի առանձին հոդվածներ, որոնք առնչվում են հայ ժողովրդի պատմությանը, և երկու աշխարհագրական քարտեզ՝ բյուզանդական կայսրության արևելյան բանակային ստորաբաժանների և բյուզանդական կայսրության արևելյան սահմանների վերաբերյալ:

Աշխատությունը արժեքավոր է IX և X դարի առաջին կեսի հայոց պատմության, հայ-բյուզանդական հարաբերությունների, հայերի՝ Բյուզանդիայում ունեցած դերի ուսումնասիրության համար: Ունի անձնանունների, ցեղանունների, տեղանունների և բյուզանդական տերմինների ցանկեր: Խմբագիրն է Ս. Մ. Կրկյուշարյանը: